

QUÆSTIO MEDICA.

CARDINALITIIS DISPUTATIONIBUS

*manè discutienda in Scholis Medicorum,
die Jovis decimâ-septimâ Februarii.*

M. CLAUDIO DE FRADES, Doctore
Medico, Præsîde.

An Senum valetudini tuenda conducit balneum?

I.

EA lege natus est Homo, ut in ejus vitam per omnes ætates innumeri morbi sæviant, qui nullo penè vitari con filio possunt: vix vitæ limen ingressum, dolor, imbecillitas, impotentia pro primitiis adoriuntur, querelâ, suspirio, vagitu luculenter expressa: pueritiam atque adolescentiam molestiarum ilias excipit, quæ in juvenili virilique ætate vires acquirunt eundo: scânsili tandem annorum lege obrepit non intellecta senectus, in quâ vita morti quotidie propior est, & animam è corpore quasi suâ manu Natura molliere ducere parat. Vix credere fas est senectutem esse morbum, & senes qui sunt in statu merè naturali, qui Naturam optimam sequuntur ducem, eique parent, *συνεγὼς*, inertes, causarios, *ἀνους* seu mentis inopes jure censeri: Quis non observat, juxta judicium divini Platonis, tunc mentis aciem imprimis florescere, cum oculus corporeus deflorescit. Verum senilis ille status eò calamitosior, quò ob malè constituta naturaliter viscera, & vitia adolescentiæ, plurimis patet corporis affectionibus, quibus hac ætate provecti, mirum est quam indignis accipiantur modis. His impendentibus Medicus *μεγίστος* sedulò nititur occurrere, dum, quæ eorum saluti conducunt, Artis operâ parari curat, & quæ nimium altis insita

sunt radicibus, utcumque emendare studet, quæ noxia sunt & infesta procul amoveri, ad retardandum senium vitamque prorogandam, cujus diuturnitate ne metiaris hominis felicitatem, cum in vitâ longissimâ dimidium vitæ edormitur, & si adjicias labores, luctus, morbos, pericula, intelliges minimum esse quod vivitur.

I I.

QUEMADMODUM cuilibet anni tempestati sua est temperatura, sic cuilibet ætati sua est temperies: hæc insignibus dumtaxat principiorum vitæ mutationibus distinguenda venit, non annorum numero computanda: serius ocylus quisque vitæ terminum attingit ex caloris in humido breviori vel diuturniori permanfione. Homo, quo ortui propior est, fluxis humidisque principiis, semine scilicet utriusque parentis, maternoque sanguine fatus, eò ampliùs illorum abundantia circumfluit: Et licet ille calor tunc temporis cumulator sit & plenior, obtunditur humoris ubertate, qui sensim adolescendo conteritur: progrediens ætas vigorem suum floremque possidet & fovet quam potest diutissimè. Sed damnosa quid non imminuit dies? ætas hæc sensim ingravescit, & intestinâ calamitate pedetentim in pejus ruit. Sic ad ruinam delabens homo, siccior & frigidior efficitur, cujus scilicet innatus calor actione continuâ fractus, ægriùs suas partes tenet: hinc emergit ampla excrementorum congeries, multarum ægritudinum ferax: Et sicut quicquid innati hujus caloris pabulum deprædatur, siccitatem inducendo *ἄνεξ* promover, ut in plantis *ἀναστῆναι*; Ita quicquid accersit frigus peregrinum, humorem superfluum accumulatur, & gravissimum vulnus infligit senili corpori, quo partes ipsius contabescunt, vix certo stare loco potest, nutat, procumbit; tota denique moles occidit.

I I I.

BONIS Ægrorum rebus, ut & Convalescentium Lavatio totius corporis hisce temporibus cautè instituitur: aquâ calidiori enervantur vires & pereunt, ne immoderatus utaris; frigidiori cruditates sobolescent: in aquâ repidâ multò securior & tutior. Verum ne putes omnes aquas promiscuè ad id opus accommodatas; eligendæ veniunt quæ tenues sunt, limpida, profluentes, aperta, non limosa, non stativa nec pa-

lustres aut lacustres. Sic à Medicinæ Principibus salubris fuit
judicata lavatio, si nihil inde oppositum indicetur, raram tex-
turam habentibus, biliosis, melancholicis, cephalæ quoque
& hemicranî levandæ, sicut & oculorum vitiis, sterilitati,
hæmorrhoidibus, nec non & febri hæctica, febribusque aliis
ad declinationem vergentibus, omni demum intemperiei
calidæ viscerum sive congenitæ, sive adventitiæ non exiguo
fuit adjumento & præsidio; dum benè penitus sese in corporis
intima insinuando & permiscendo, ejus squallorem emendare
valet, biliosos succos crassos & feculentos ibi stagnantes di-
luere, & expurgationi parare, & patentibus cutis spiraculis
fuliginum expirationi viam præbere expeditiorem.

I V.

IS quoque rectè & appositè balneum præscribit, ut ex ejus
usu consequatur utilitas, qui ad tempus aptum & conve-
niens potissimum attendit & distantissimum à pastu: horrore &
perfrigerationi obnoxios rejiciet: singulorum præterea notam
& perspectam habeat naturam, indolem, ætatem, præter
multa alia, quorum omnium discrimine, ut & loci & tempe-
statis, rariùs aut crebriùs usurpandum persuadeat. Is quoque
diligenter exploret primam corporis regionem; nullus ibi sub-
sit hypochondriorum tumor, nec alui fluor immodicus, omnis
demon necessarius præcedere debet apparatus, tum victu
congruente, tum venæ sectione & purgatione idoneâ, ne hú-
mores residentes quos balneum fundit, in viscera irrumpan-
& fluxiones concitent: his cautionibus Juniores securè balneum
intrent, in iis etenim ætatis vigor omnia habet *ῥαελευτα*, nec *Hippoc. 4.
de præcep.*
quidquam in iisdem desideratur omnium, quæ ad sanitatem
conservandam, fugientem retinendam, amissam recuperan-
dam conferunt, quorum corpora blanda vis aquæ subiens, ho-
rum calorem acriorem temperat, spiritus efferos demulcet,
& effrenes eorum impetus coercendo, iis cumulat bonis, quæ
non tantum *ἐνεχίας*, sed robur, integritatem, munditiem to-
tius corporis conciliant.

V.

HOMINEM senem, quem capitis nives & rugæ tur-
pant, juvenis exultantis more veneris militiam ambire *Senec. 2.
controvers.*
portentum est, ut quem penè funeratum deficiat spirituum

ampla copia, ipsumque occupet & obsideat uberrimus pituitosi humoris proventus, quo hujusce æstus immoderatos tepere veritati consonum. Non parum quoque insolens & intempestivum esset, senem hunc lactatum spe & expectatione novi vigoris & vindicandæ vitæ à plerisque molestiis, pravorumque affectuum concursuionibus, ad balneum accedere, cum jam alterum pedem in Charontis cymbâ habere censeatur, & nativus ipsius calor jam fatiscens, quique ob paupertatem sui vix par est languentium virium reliquiis fovendis, adducatur in extinctionis periculum, & recuset aquæ qualitates multum sibi inimicas sustinere: corpus hujusque succos à pristina sua indole & puritate degeneres, novæ corruptioni objiceret, ventriculi coctio perturbaretur, insigniter intestina laxarentur, & parvo negotio prociderent, flatus interiùs fremerent, colliquatio fieret humorum crudorum, quibus perpetuò scætant senes, & illuvie serosâ articuli eorum imbuti haud parum noxæ contraherent, & invalida fierent motus & sensus organa; adeo ut, qui extremam vitæ fabulam agens, juniorum ætatem mentiri studet, & meliori loco res suas ponere, molestaque senii tædia hocce præsidio lenire meditatur, auxiliâ dum requirit, exitium inveniat, & quasi vitâ satiatus ad mortem, maturitate nondum completâ, præcipitetur.

Non ergo Senum valetudini tuendæ conducit balneum.

Proponebat Parisiis FRANCISCUS AIGNAN, Aurelianensis, Baccalaureus Medicus. A. R. S. H. 1701.

Apud Franciscum Muguet, Regis & Facultatis Medicinæ
Typographum.